



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU NOVOG POKRETA BOSNE I HERCEGOVINE

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	4
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Novog pokreta Bosne i Hercegovine za 2018. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2018. godinu, utvrđeno je da je Novi pokret Bosne i Hercegovine prekršio odredbe člana 11. stav (1), člana 12. stav (1), (4) i (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Novog pokreta Bosne i Hercegovine za 2018. godinu.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Novi pokret Bosne i Hercegovine se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	4.101,60	100,00
8.	Prihodi od propagande (3-g)	0,00	0,00
I	Ukupni prihodi (1-8)	4.101,60	100,00
II	Ostali prihodi i drugo	0,00	0,00
	Izvori finansiranja (I+II)	4.101,60	100,00

U godišnjem finansijskom izvještaju stranka je iskazala rashode u ukupnom iznosu od 200,60 KM.

2. PREDSTAVLJANJE POLITIČKE STRANKE

Naziv političke stranke je Novi pokret Bosne i Hercegovine. Skraćeni naziv je Novi pokret BiH.

Novi pokret Bosne i Hercegovine je registrovan kod Općinskog suda u Sarajevu Rješenjem broj: 065-0-F1-12-000011 od 25.04.2012. godine, sa sjedištem u Sarajevu, ulica Tvornička 3.

Lice ovlašteno za zastupanje stranke je Enes Zeković, predsjednik.

Lice ovlašteno za podnošenje finansijskih izvještaja za 2018. godinu je Enes Zeković.

U godišnjem finansijskom izvještaju za 2018. godinu, Novi pokret Bosne i Hercegovine je konstatovao da ima organizacione dijelove nižeg nivoa, ali je u okviru organizacione strukture naveo samo Kantonalni odbor Sarajevo.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Novog pokreta Bosne i Hercegovine za 2018. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Novog pokreta Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskim izvještajima sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta.

4. PRETHODNE KONTROLE I REVIZIJE

Služba za reviziju je izvršila pregled godišnjih finansijskih izvještaja Novog pokreta Bosne i Hercegovine u periodu od 2012. do 2017. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon zvršenog pregleda godišnjeg finansijskog izvještaja za 2017. godinu, izdat izvještaj o pregledu sa mišljenjem revizora, nalazima i preporukama stranci da finansijske izvještaje podnosi u zakonom propisanim rokovima i formi koju je Centralna izborna komisija BiH propisala svojim podzakonskim aktima, odnosno Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2018. godinu, utvrđeno je da Novi pokret Bosne i Hercegovine nije ispoštovao preporuke revizije.

5. NALAZI I PREPORUKE

5.1. NALAZI

Novi pokret Bosne i Hercegovine nije postupio u skladu sa odredbama člana 11. stav (1)¹ i člana 12. stav (1)², (4)³ i (5)⁴ Zakona o finansiranju političkih stranaka.

Pregledom godišnjeg finansijskog izvještaja i druge finansijske dokumentacije, utvrđeno je da Novi pokret Bosne i Hercegovine nije u poslovnim knjigama i godišnjem finansijskom izvještaju tačno evidentiralo rashode i obaveze, čime je prekršio računovodstvene propise i odredbe člana 11. stav (1) i člana 12. stav (1) Zakona o finansiranju političkih stranaka. Stranka nije obrasce godišnjeg finansijskog izvještaja za 2018. godinu popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 12. stav (4) Zakona o finansiranju političkih stranaka.

(1) Pregledom godišnjeg finansijskog izvještaja utvrđeno je da stranka nije u obrascu 2 (pregled prometa svih transakcijskih računa) prijavila devizni račun, broj: 1992584981 kod Sparkasse bank d.d. BiH⁵, čime je prekršila odredbe člana 11. Pravilnika.

Uvidom u poslovne knjige, utvrđeno je da je promet ulaza iznosio 19,11 KM, promet izlaza 0,00 KM i saldo na dan 31.12.2018. godine je iznosio 19,11 KM.

(2) Novi pokret Bosne i Hercegovine, nije tačno evidentirao svoje rashode i obaveze, čime je prekršio odredbe člana 12. stav (1) Zakona o finansiranju političkih stranaka i odredbe člana 21. i 24. Pravilnika.

¹ Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima, a u skladu sa zakonom.

² Politička stranka vodi evidenciju o svojim prihodima i rashodima.

³ Do 31.3. naredne godine politička stranka podnosi finansijski izvještaj u formi koju odobri Centralna izborna komisija BiH.

⁴ Sva lica koja su dužna da podnesu izvještaj moraju da podnesu i dodatne izvještaje koje Centralna izborna komisija BiH zatraži.

⁵ Uvidom u PS P3 Izvještaj o računima poslovnog subjekta od Centralne banke BiH, utvrđeno je da je pomenuti račun stranke aktivan od 01.10.2018. godine.

- Pregledom Bilansa uspjeha utvrđeno je da je stranka evidentirala ukupne rashode u iznosu od 131,00 KM, dok je u godišnjem finansijskom izvještaju iskazala rashode u iznosu od 200,60 KM, što je za 69,60 KM više u odnosu na iznos evidentiran u poslovnim knjigama.

- Pregledom Bilansa stanja utvrđeno je da je stranka evidentirala ukupne obaveze u iznosu od 31.539,40 KM, dok je u godišnjem finansijskom izvještaju koji je podnijela Centralnoj izbornoj komisiji BiH iskazala obaveze u iznosu od 30.071,00, što je za 1.468,00 KM manje u odnosu na podatak iz poslovnih knjiga.

- (3) U godišnjem finansijskom izvještaju, koji je Novi pokret Bosne i Hercegovine podnio Centralnoj izbornoj komisiji BiH, utvrđeno je da je u okviru organizacione strukture naveo samo Kantonalni odbor Sarajevo. Međutim, stranka je ostvarila prihod i iz budžeta Bosansko-Podrinjskog kantona, što ukazuje na činjenicu da stranka ima organizacioni dio i u već pomenutom kantonu.

Obzirom da nije prijavio sve organizacione dijelove, Novi pokret Bosne i Hercegovine je prekršio odredbe člana 12. stav (4) Zakona o finansiranju političkih stranaka i odredbe člana 10. Pravilnika.

- (4) Dana 27.08.2019. godine, Centralna izborna komisija BiH je Novom pokretu Bosne i Hercegovine uputila Zahtjev za dostavljanje dodatne dokumentacije za 2018. godinu, kojim je od stranke traženo da dostavi: Glavnu knjigu sa kompletnim analitičkim evidencijama za period 01.01.-31.12.2018. godine, dokumentaciju o korištenju poslovnih prostora u 2018. godini (dokaze o vlasništvu nad nekretninama, ugovore o zakupu, odluke ili izjave) i kopiju izvoda sa transakcijskog računa stranke, broj: 1990490055714616 i deviznog računa, broj: 1992584981 otvorenog kod Sparkasse banke d.d. BiH za period 01.01.-31.12.2018. godine.

U ostavljenom roku stranka nije postupila po zahtjevu, odnosno nije dostavila kopiju izvoda od deviznog računa, broj: 1992584981 kod Sparkasse banke d.d. BiH, čime je prekršila odredbe člana 12. stav (5) Zakona o finansiranju političkih stranaka.

5.2. PREPORUKE

Preporučuje se Novom pokretu Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da poslovne knjige vodi u skladu sa računovodstvenim propisima,*
- *da uspostavi potpune i tačne evidencije o rashodima i obavezama,*
- *da u finansijskim izvještajima navodi svoje organizacione dijelove i da finansijske izvještaje popunjava u skladu sa Pravilnikom o godišnjim finansijskim izvještajima političkih stranaka i*
- *da dostavlja svu traženu dodatnu dokumentaciju koju od nje zatraži Centralna izborna komisija BiH.*

KOMENTAR

Politička stranka se nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2018. godinu.

Pomoćnik revizora

Mr.sc. Goran Cicović

Šef Službe za reviziju

Mr. sc. Hasida Gušić